

翠娛閣評選鍾伯敬先生合集

翠娛閣評定鍾伯敬先生全集目次

卷之四

五言律二

毘陵家慶畢還白門道中作

瓶中梅影映壁上畫梅影

上巳過牛首山莊看雲池王翁桃花

二首

月夜過胡彭舉

月下新桐喜徐元歎至

白門病中送親還毘陵

二首

病間贈錢振河

感歸詩

十首

春日過沈雨若問病并訪唐宜之

二首

夏日游攝山同王惟士徐元歎胡元振

題畫送沈朗癯入廬山兼寄慙公

二首

九江阻風示陸君啟年丈

題秋山讀書圖

別閩士

二首

過溪至萬年宮舟歷六曲上天遊觀宿

五首

宿天遊觀詩紀往還所歷

七首

別徐元歎

答韓晉之秀才詩并書

九日集謝彥甫吉甫陸舟亭賦贈

二首

送譚友夏里選北上應京兆試

三首

孫女詩

二首

送謝吉甫入都兼寄彥甫

初聞鶯

驚聞岳季有年丈解官歸詩以問之

寄懷沈雨若病

僧開子南遊贈詩答送

七月十五日試芥茶

二首

喜袁述之舉孝廉

二首

贈陳翁七十

寄懷表兄王幼振

送可上暫還永新訂明年之約

二首

元夕舟中雨

七言律

送人游匡廬九華

丹陽夜泊時將過訪張楊二年丈

江行俳體

十二首并序

碧雲寺早起

夜坐

辛亥元日早朝

白沙驛

合江舟中早發

忠州霧泊

金仁樹全集
還至歸州

寄答尤時純

寄譚友夏復招之

復雨和友夏仍留之

山夜聞鴉同諸子分韻卽成

友夏再至晤商林二丈與予兄弟山居旬餘

將歸

孟和茂之將過友夏河上

至真定

暫駐涿州抵良鄉再宿

丘長孺宅看暖室梅花

早秋

秋曉

汎江尋三游洞降觀于峽

雨發裕州

丙辰 聖節前 東宮出講蓋八月初四日

也恭譔二律

十五夜同林茂之過俞仲茅步月

九月五日天津舟泊和茂之見岸女簪菊之
作

泊頭逢虞伯醇孝廉同康虞茂之過飲常充
符孝廉水樓畱贈

岱游告成示康虞茂之

贈焦弱侯太史

宿浦口周茂才池館

訪陳眉公于舟因共集俞園

九月七日蘇弘家符卿要集靈應觀

秋夜集俞伯彭園池

花山禮銅殿

歲暮喜董崇相大理至白門

夜咏彭舉燈下水仙花

臘月十五夜携酒資約茂之過集彭舉齋中

董崇相要過金陵寺登所構遂有亭

戊午元日

夢山中題壁有石引長松天一笑之句起而

足之

金匱先生集
春暮看桃花宿王氏山庄作

白門逢范長倩學憲賦贈

正月二十四日始見人家甌中粉紅梅

再登浦口王茂才山樓望石武庫澹寧所造

新城

九月携侄昭夏登雨花臺

三月三日再汎赤石磯勒詩于石

六月十二夜吳康虞嬰汎秦淮同諸子分賦

得舟字

夜出安德門往牛首道中作

六月十七日汎溪就青海宗侯水榭看蔣山
令弟渤海具舟相邀

七月十二日宋獻孺招集茅止生烏龍潭新
居

白門逢周明卿大司農誕辰賦贈

再過錫山訪尤時純

夜步長橋

訪王聞修年丈

過文啓美香草垞

虎丘訪章眉生看殘雪作

讀元歎詩不覺有作

贈丹泉周翁

還至無錫再晤鄒彥吉先生

二月三日重過靈谷看梅

陳中丞正甫自晉貽書白門極爲相念感答

時將以南少司農蒞任于此

題小東山贈王翁

題葛澹淵廷評署中巢居

喜湯嘉賓司成至白門晤宿燕磯舟中

白門病中送尹子求先生解蘇松兵備任歸里

章章甫自中州至白門過訪行及一月聞有言予死者

二月初五日重看靈谷梅花

冬夜集吳體中中丞西園觀劇

蕪湖立春

陸君啓衙齋望廬山晴雪

訪曹能始潯陽所住却寄

李守初司李招飲赤壁賦贈

賀司上居士曾爲予說楞嚴大義癸亥從予

閩署重爲披剝予出按部歸遽爾言別感

賦一詩

裴村望武夷山作

訪曹能始園居

商孟和送予還楚憇茶洋驛澗亭有作奉和

別武夷山

飛來峯

并序

王岵雲大司馬六十

閩歸屢過寒河始有此贈

二首

三月三日

癸亥自閩歸過白門訪夏正甫年丈不值今

將遣候適聞其調銓部報故有末二句

遣使吳門候徐元歎云以買芥茶行

寄懷范長倩

同遊肩生年丈陪丘毛伯年丈宴集王孫園
共得遲字

病中聞顧醒石年丈解督學任南歸驚起賦
別

王以明居士訪予江夏送之南遊

聞友夏下第喜其五弟正則薦鄉書

過王幼補感賦

賀可上自南都過訪爲予疏性相大義賦詩

志感

友夏歸同知可上及五弟快訪之

除夜同胡元振王子雲李宗文守歲江夏客

寓

早春寄書徐元歎買芥茶

翠娛閣評定鍾伯敬先生全集卷之四

錢塘陸雲龍兩侯甫評定

陸敏樹生生叅闕

五言律二

○ 毘陵家慶畢還白門道中作

正月五日

秣陵雖久住。吾土是邪非。新歲此初出。征途亦日歸。
有親仍告別。留弟與相依。節物家家鼓。郊原人事稀。

○ 瓶中梅影映壁上畫梅影

和葛震甫作

一花分合處。形與影邪神。雪月來誰識。香光借亦親。

家常話記得
不俗

暫依俱幻相。別立是真身。此際難爲喻。羅浮夢裏人。

○ 上巳過牛首山莊看雲池王翁桃花翁先約往

四年中凡三至此矣

今日是修禊。山中尋爾家。何嘗不臨水。况又得看花。

積雨晴朝貴。新烟春事加。

次日清明

笑他武陵棹。再往失

津涯。

○ 又

高年重光景。隔日約遊人。

翁時年八十有八

歲作桃花主。天

留竹栢身。紅多成世界。香久結精神。好待山生月。同

時照暮春

○ 月夜過胡彭舉

一春多雨夜。見月好懷生。未及先相約。遙知亦此情。
素心朝夕近。僻徑往來清。恰值君無事。開扉如出迎。

○ 月下新桐喜徐元歎至

四月十五夜

是物多妨月。桐陰殊不然。長如晨露引。不隔晚涼天。
綠滿清虛內。光生幽獨邊。懷新君亦爾。到在夕陽先。

○ 白門病中送親還毘陵

客子病猶爾。老親還豈安。祇堪添一別。却似未來看。

有手不能執於心難更酸。我生非小可。天命足相寬。

○ 又

去住不由已。難時骨肉牽。一官天性隔。萬慮旅書連。
過難思先德。防身悟宿愆。何時筋力健。歸養學耕田。

○ 病間贈錢振河

雖復情相係。思君君豈知。無心身到日。有幸我生時。
榮衛因人付。恒奇不自爲。敢云輕性命。小愈忽良規。

○ 感歸詩十首

微官今日至。萬病一朝來。罪福誰司計。乘除已致災。

性看良白審。命相久相猜。不死多時地。行藏聽所裁。

○ 又

弱骨當絲疾。安危不自知。客中憂老父。意外賜名醫。得步庭階日。堪成止足時。如茲猶過望。幽譴或相隨。

○ 又

居官頻道去。此語未爲新。事小皆由我。情真豈告人。暗中營退步。久後信閒身。猶以貧而仕。無辭對老親。

○ 又

五載白門客。歸心漸不生。江山皆識面。童婢亦知名。

往久愆難免交深怨或輕故鄉雖朴畧事少稱孤情。

○ 又

才入儀曹署於中處處違因之生一晤過此可成歸。
羅雀心方息焚魚累始稀世人添感慨翻似悔忘機。

○ 又

疎僻居鄉井招尤亦有時不因官自護終免世相持。
摧謫豈無已親朋皆我知遠交多復久恩怨暗中移。

○ 又

曾作終年想圖爲遍地遊豈徒新識樂欲寡久居尤。

此自快心語。而非着脚謀。頻來惟一弟。破浪亦堪憂。
五弟又來看

○○○又

窮竟歸依路。愁予但口談。徐元歎書來云云得生輕寵辱。用死勝嗔貪。悟晚終無退。心堅在一慙。鈍根磨石厚。愛我者相叅。

○又

謬云名與實。官不益微躬。三月一眠後。諸緣皆夢中。除醫無切用。學道有宗風。捨宅聞吾友。歸慙尚築宮。

元歎近事

○ 又

文人而學佛。愚哲或相兼。自有孤軍入。非將結習霑。
寒暄須飲水。夷險在臨巖。何夜寒河月。金針面語拈。

譚友夏作書謂子以聰明妨禪語多影響

○ 春日過沈雨若問病并訪唐宜之

人事亦云遠。春光非不知。孤懷如有告。一病豈能爲。
梅又待明歲。柳方垂此時。柔條莫遽長。吾意愛絲絲。

○ 又

聊自適光
第已在

病非難習靜。何以着身心。幸有友相警。况爲予所欽。
讀書賴花鳥。閉戶當登臨。已愧見時少。幽居莫更深。
○ 夏日遊攝山同王惟士徐元歎胡元振
徂夏成茲往。入春同此心。鶯花相待滿。林壑至今深。
宿處逢山雨。歸時記澗音。連朝陰霽裏。有意便栖尋。

○ 題畫送沈朗壑入廬山兼寄慙公

猶未除鬚髮。先能斷肉妻。晨星驚老宿。秋色引遐棲。
瀑過層層樹。橋藏曲曲溪。杳然雲樹裏。奔悅漫成迷。

○ 又

金石冥遊跡。幽明默護身。出家超將相。度世答君親。
水觀神三界。山行影一人。遠公迎汝處。寒月石門新。

九江阻風示陸君啓年丈

何以潯陽泊。依然前日風。歸途原未改。轉境不相同。
訪舊逢佳地。懷新愛遠空。無窮奔悅意。身只在舟中。

題秋山讀書圖

中歲知名久。於今思讀書。捫心時自愧。屈指歲無餘。
圖史空成架。谿山未定居。何人秋色裏。懷抱古今如。

別閩士二首

爲許玉史韓
晉之齊望子

多生爲學究。官不脫諸生。斟酌隨祥品。寬嚴在一誠。未能期月化。聊復此時情。但勿相浮慕。空畱師友名。

○ 又

別事閩偏早。交情楚最悲。江颿猶未掛。岸柳已先垂。此去吾將隱。君歸自有師。維舟無限意。端在執經時。

○ 過溪至萬年宮舟歷六曲上天遊觀宿

丘壑最深處。不離衢路間。靜喧爭一渡。次第入諸山。流太峯相顧。舟停石所攀。回看溪未遠。車馬幾曾聞。

○ 其二

登山從水始。此理有難言。一棹聲將沒。孤峯影若存。不須將某處。定以屬何源。曲直成單復。牽攀變客魂。

其三

卧龍潭

武夷溪妙處。不以淺深求。山勢有時止。潭聲至此幽。魚龍千古夜。陵谷一隅秋。却自能冲照。燃犀無可搜。

其四

雲窩陳少司馬幼溪所住

溪山將半處。止此意何如。早入高人眼。先成靜者廬。筍茶隨所取。妻子可同居。井竈猶堪問。鳩巢借鵲餘。

其五

最能恰又字
妙

莫謂看山便於茲幾度行歸途纔信宿遊事亦經營
不雨兼能月方春恰又晴蒼蒼烟杳外下視候分明
○宿天遊觀已是第六曲初由五曲捨舟至此次
日將入舟終九曲之遊興行里許已至七曲
○詩紀往還所歷

武夷源九曲上下以舟從捨棹無三里過溪第七重
前途猶未定來路恰相逢只似遊方始新看昨日峯

○其二
下城高巖
一僧所止

名山何所憾遊半未逢僧照水憐孤影懸巖占一層

鍾伯敬全集

卷四

七

威儀粗已具。燈鉢果誰承。送我前溪去。依依別未能。

○ ○ 其三

小桃源

仙源一以閉。雞犬去悠哉。山徑偶然盡。水聲何自來。暫因人未識。聊許洞猶開。豈復如秦隱。頻爲漁子猜。

○ 其四

仰接筍峯不得上

亦識險將盡。到時心目寬。斷連無百尺。俯仰若干盤。自歎來偏晚。非關上獨難。却思登岱日。垂手步層巒。

○ ○ 其五

三曲捨舟行七里尋靈巖一線天風洞諸處

歸舟溪且盡。中止亦何心。清汎所不到。幽棲聞更深。

天分巖一寸月半壁千尋斟酌今宵宿應逢花滿林

○○ 其六

宿虎
肅巖

若比天遊宿高深漸不同置身星月上濯魄水烟中
登涉頻勞目眠餐可息躬明朝仍理檝往返此山中

○ 其七

玉女
峯

脉脉盈盈處行行止止時變如頻作態靜不可求思
影好禽魚悅神寒水月知分形垂顧眄迎送意無疲

○ 別元歎

與孟和送
至無錫

同送歸閩客送君猶未遑誰知停棹近已是別途長

鍾伯敬全集下

去去皆良友。遙遙尚故鄉。明年春草日。此地莫相忘。

○答韓晉之秀才詩并書

憐君冰鍊骨。風雅又多情。古學煩相守。高懷從此生。窮常欣創獲。孤不廢浮名。斟酌清和理。相期德有成。

○九日集謝彥甫吉甫陸舟亭賦贈

生來同水國。安可暫忘舟。所以城中舫。常依天際流。秋清表星月。烟遠見鳬鷗。况值登高日。蒼然眺聽周。

○又

湖烟綠不已。森若萬芙蓉。城頭宅頻登。屋裏船。

潤流書畫外。先在足纓前。君自乘驄去。閒齋借坐眠。
時彥甫將北上就臺班

○ 送譚友夏里選北上應京兆試

老至畏分手。送君觀國光。如何征路苦。翻願別時長。
坦步高文售。加餐病母康。綠茲寬內顧。畱滯亦嘉祥。

○ 又

我遊君獨處。君出我端居。家國分身是。升沉易地如。
友朋咸勸往。車乘莫教虛。况值鶯花月。沿途似故廬。

○ 又

少予年一紀。猶作後時看。自是知名早。非關待價難。
弟兄分筆墨。鄉國換衣冠。莫羨王陽綬。相期路正寬。

○ 孫女詩

二月初
七週歲

生女嬌於子。尤憐是女孫。禮無妨一抱。慧豈在多言。
週歲添新事。他生種愛根。目前稱大父。貽厥不須論。

○ 又

陶公本多子。猶作慰情言。梨栗兼分女。箕裘不責孫。
強存三世數。難記一年恩。亦是詩書種。何須出相門。

○ 送謝吉甫入都兼寄彥甫

年少稱同學。鄉書附令兄。一雙仍待價。第五本齊名。我病宜先老。君才見晚成。作賓今上國。卽此是家聲。

○ 初聞鶯

三月初一日

鶯聲與山色。不以閉門無。空外來誰觸。閒中取自娛。始驚三月至。深念一春徂。此際能先覺。虛懷領納殊。

○ 驚聞岳季有年丈解官歸詩以問之

經旬不相見。忽道具歸舟。未敢遽言送。猶疑庶可留。出疆應有故。接浙向誰謀。人作蓴鱸想。傍觀多隱憂。

○ 寄懷沈雨若病

年年聞爾病。卽以病爲醫。養齋今何地。工文亦此時。
閒來應有得。習久反相宜。茲意人難告。身經處始知。
○ 僧開子南遊贈詩答送

我已斷文字。師方損贈言。猶將今愧悔。謬作昔推尊。
六代津梁地。諸緣悟入門。從茲深道力。不復患名根。
○ 七月十五日。試界茶。徐元歎寄到三首。

江南秋界日。此地試春茶。致遠良非易。懷新若有加。
咄嗟人器換。驚怪色香差。所賴微禁老。經時保靜嘉。

○ 又

千里封題秘。單辭品目忘。

元歎未答
予茶詩

在君惟遠寄。聽

我自親嘗。曾歷中冷水。當添顧渚香。病脾秋貴暖。啜
苦獨無傷。

○喜袁述之舉孝廉二首

文士肯登第。高人偏動情。誼何關世講。價匪藉時名。
落羽堪相慰。懷珠必見明。一身通塞事。觀望亦非輕。

○又

豈真須一第。用以託吾躬。羔鴈時難免。弓旌世與同。
門風騷雅外。道氣寵榮中。喜說君先子。
謂中郎
先生賢賢

俗論公。

○ 贈陳翁七十

七十尋常事如君可曰希。直心能入世。古道本忘機。賢貴多分席。官私少叩扉。高年叨賜爵。無改舊冠衣。

○ 寄懷表兄王幼振兼要枉過

病來疎舊友。老至念周親。五十餘中表。存亡凡幾人。回頭梨栗日。彈指杖輿身。莫悔前時濶。從今相過頻。

○ 送可上暫還永新訂明年之約二首

只如行腳者。瓢笠孑然來。爲許予重到。因寬爾暫回。

奇

友朋容易散。生死默相催。最是蹉跎處。離羣眼倦開。

○ 又

近家偏不問。到此却思歸。往教誠爲幸。相辭未必非。翻因廻棹速。深悟現身希。自有當機日。逢君再叩扉。

○ 元夕舟中雨

此夕豈煩雨。佳時偏在舟。家居元未樂。途次復何尤。歲儉燈難接。村荒月不留。張皇今歲事。土鼓報前頭。

七言律

○ 送人遊匡廬九華

晚遊匡岳亦非遲。囊有真形畫有詩。君善詩畫置我一丘

差不惡。憐君三絕獨無癡。心詣勝蹟如曾到。山喜清人似故知。叩罷彭郎逢九子。寄言余欲往從之。

○○○ 丹陽夜泊時將過訪張楊二年丈

城裏溪橋曲曲源。依稀桃葉渡邊村。一汀雲影流虛響。半岸蘆花覆夢魂。江月林風隨去住。蛙聲鳥語自寒溫。故人儻作臨叩宰。旅况鄉愁與暫論。

○江行俳體 并序

友人譚友夏作竹枝詞近百首。余魯賞之。皆舟行詩也。其體則七言絕。其所採民謠土風。自江陵至吾邑。上下二三百里耳。乃遂能至百首。矧余舟發鄂渚。迄於金陵。歷吳門。荆吳俗。遷冬春序。改縱其目。覽口傳。足涉手書。所得寧當止百首哉。於是難其事。廣以七言限。以四韻拘。以俳比聲偶。要使體諱而響切。事雜而詞整。氣詠而法嚴。令才有不必盡。而意

有不得逞。亦蟻封盤馬意也。范蔚宗有言。吾
於音樂。恨不精雅。聲至於一絕處。亦復何異。
此難爲拘儒俗子道也。夫今之樂。猶古之樂。
千古聲詩秘諦。子輿氏一語拈破。妙達此解。
可度脫千萬劫。詩文苦趣。偶因一端而併及
之。

五載前曾說此遊。問程結伴幾春秋。艱難水陸千餘
里。大小關梁六易舟。畏路刺船頻裸體。乘流開柁緩
梳頭。順風一日行三日。莫待依灘怨石尤。

○ 又

虛船也復戒偷關。枉殺西風盡日灣。舟卧夢歸醒見
水。江行怨泊快看山。弘羊半自儒生出。餒虎空傳稅
使還。近道計臣心轉細。官錢曾未漏漁蠻。

○ 又

巴肱吳榜簇江干。市僧邨娼半倚灘。繫籍慣挾鄉閭
閱。投單側辦敝衣冠。女兒編竹成長纜。乞子施竿覓
剩盤。小釜羣炊如候代。奚奴亭午未朝餐。

○ 又

江鄉漲後指荒郊。木杪魚醫俯雀巢。處處蒔田催種
麥。家家竹瓦代誅茅。岸容霜老菰蒲秀。水氣晴黏草
樹交。快舫傾波纔寸許。急湍底復怨舟膠。

○ 又

日日移家處處隣。吳頭楚尾半波臣。罍師嚼米餐烏
鬼。舟僕偷錢買白鱗。鴉食肉能謀底事。獺銜魚欲祭
何神。黃頭見我詢潮步。笑是潯陽始過人。

○ 又

羞從狐鼠叙行踪。隨例輸錢買印封。半月員程過一

笑中且有
氣帶

月杪冬孤艇發初冬持符官卒尊於吏附舶儒生賤
似傭估客孝廉陽不問胡牀指顧太從容

○ 又

邗烟城樹遠依依解指青溪與翠微風送白魚爭入
市江過黃鵠漸多磯家從久念方驚別地喜初來也
似歸近日江南新澇後稻蝦難比往年肥

○ 又

小聚星晨屢斷連山椒一縷露人烟土音偏不移雞
犬市暨通行雜鈔錢澤國火耕兼水耨霜林棗地接

楓天時艱夜禁明書楔撥刺更更響釣船

○ 又

土風何異竟陵城。水代平田網代耕。放去翳鳬偏認
主教成。馴獺聽呼名。狂書鳥過沙。畱譜嚙語烏。眠夜
作聲。奴子入吳學細唾。儂音倉舌字全生。

○ 又

千門市火亂漁燈。銜尾官艘也繫罾。崖屋乍隨春漲
徙。灘舟專候早潮升。清時間左衣形緩。儉歲江東米
價增。從容諱言新入洛。自稱前度到金陵。

荷

亦後雄渾

○○○又

潮○褪○金○焦○岸○稍○巉○斷○虹○嵌○壁○劒○雙○槭○嵐○堆○積○翠○深○藏○
壑○雨○隔○殘○紅○半○露○巖○近○海○蜃○晴○朝○列○市○乘○風○魚○背○畫○
張○帆○新○荷○香○遍○吳○江○水○思○製○瀟○湘○隱○士○衫○

○又

鳴○榔○打○鼓○暮○乘○潮○借○得○官○舟○勝○客○船○奴○子○暫○時○聊○意○
氣○朋○從○此○日○也○逍○遙○公○然○鵲○首○橫○銀○榜○無○數○漁○罾○避○
畫○橈○睡○醒○却○詢○瓜○步○岸○長○年○前○指○廣○陵○橋○

○○○碧雲寺早起

詩教

合有知無知
以爲狀

人語翠微開啓門。離離殘露濕初暎。行經絕澗數花
落。坐見半山孤鳥翻。月去寒潭林影換。雲依閒砌草
頭溫。與君莫厭頻移榻。晨爽秋陰非一村。

○○夜坐

與茂之同用起句

愁裏不知秋淺深。高城幾處密清砧。悲愉未敢開鄉
信。榮落徒能感客心。永夜鐘聲非遠寺。空天霜氣况
衰林。砌蛩籬竹皆情性。咽露搖風各自吟。

○○辛亥元日早朝

火城漸簇大明宮。隨例嵩呼歲歲同。殘雪在簾如落

鍾伯敬全集

卷四

十七

月、輕、烟、半、樹、信、柔、風、金、支、縹、緲、春、陰、外、碧、落、參、差、夜、
氣、中、却、憶、庚、寅、元、日、事、廿、年、天、語、不、曾、通、

○ ○ 白 沙 驛

鳥、墮、猿、迴、半、楚、關、却、云、蜀、道、古、來、艱、高、源、賴、盡、仍、逢、
水、絕、壁、攀、窮、始、見、山、天、缺、似、多、青、嶂、累、巖、空、長、待、白、
雲、還、盤、旋、恐、亦、無、過、此、不、信、前、途、更、九、灣、

○ ○ 合 江 舟 中 早 發

日、疊、寒、流、次、第、明、開、窓、剛、見、半、江、晴、迎、舟、亂、渚、如、還、
往、隔、水、羣、峯、互、避、爭、不、覺、鳴、榔、先、午、夜、怪、無、擊、柝、續、

殘更披衣驚失舟棲處百五飛湍夢裏行

○ ○ 忠州霧泊

漁艇官舟曉泊同。蜀江愁霧不愁風。烟生野聚汀寒外。雲滿山城水氣中。曲岸川迴翻似盡。遙天峰沒却如空。依稀往日丹楓路。稍見霜前遠近紅。

○ 還至歸州

最喜茲州喚秭歸。歸舟聞此各依依。不辭過峽三聲苦。且與征途九折違。問答漸聽鄉語近。逢迎寧計主人非。獨餘一副酬知淚。忍向西陵道上揮。

兩句正奇處

○○寄答尤時純

宦邸家居數見貽。三年千里夢相隨。高情恕我嗣音少。畏路憂君作事奇。滿腹精神堪獨往。半生氣俠諱人知。行藏亦自超流俗。士所當爲未止斯。

○○寄譚友夏復招之

也知物論每難平。素負高懷諒不驚。如子自無煩惱富。貴旁人未免重科名。暫因意外升沉事。默證胸中靜躁情。遙想扁舟當此際。出門無累往還輕。

○○復雨和友夏仍畱之

亦不時振得
下句起

留得亦妙

冬雨連宵亦不時。當茲欲別却相宜。留經幾度辭。爾
猶聽過三更意。漸移夕。吹聲中。殘葉怯山寒。來處客
衣知看君原不勞。維縈又借愁霖自改期。

○山夜聞鴉同諸子分韻卽成

得明字

亂處高飛每易驚。出林誰是最初鳴。幾千萬點孤村
遠。過兩三聲片月明。山晚後棲湏好。偶入寒羣影見
慈情。閒聞亦復關何事。能使空齋客思生。

○友夏再至晤商林二丈與予兄弟山居旬餘將

歸

鍾伯敬全集卷之八
計爾南歸三月餘十之五六住吾廬此回良晤尤非
偶前度奇談亦不虛賓主豈能同世法眠餐直欲作
家居頻來久聚渾忘却只記明朝又別予

○ 孟和茂之將過友夏湖上

與共經旬住小園何須更往扣渠門義宜拜毋兼兄
弟趣必由山及水村縱去猶當寬信宿卽留寧得幾
朝昏行行予欲之官矣此際情辭不可言

○ 至真定

偶隨計吏北之官一月嚴程七日殘文物清時王事

易風霜遠道客身難。每來幽薊多逢臘。此度萍沱獨
不寒。朔氣最高冬未雪。豈宜春近土猶乾。

○ 暫駐涿州抵良鄉再宿

長安近在舉頭邊。何以逡巡屢不前。百里情多難九
十。半冬途未了三千。憐茲驛路寬朝夕。幸我程期可
後先。京邑故人相待滿。轉於將至意紛然。

○ 丘長孺宅看暖室梅花

同馬時良仲
良商孟和

臘盡寒花未可尋。見花偏不必寒林。移當密坐人同
適。開值他鄉意獨深。一室冬春俱在眼。數枝遲速頗

經心。冰霜祇隔軒窗外。似惜幽貞不忍侵。

○○○早秋

一往能令人
作秋悲

次第高城生遠音。離離清露報疎林。微涼不待晚先
至。積雨能令秋易深。數載獄中惟有夜。九邊兵氣半
爲陰。悲哉觸目多情事。漫道徒驚楚客心。

○○○秋曉

清秋但覺曉尤清。起赴空明遶砌行。在竹露沾星下
影。出林鴉帶夜來聲。烟隨歷亂孤光去。人語稀疏衆
動生。高枕倒衣皆此際。紛然喧靜各爲情。

微冷多致

○ 汎江尋三遊洞降觀於峽

漸上西陵江不開。棹隨高急太疑回。灘聲過洞杳無見。峽影銜天皆欲來。古壁蒼茫非草樹。寒巖秘密或風雷。潦收石出才如袂。看作瞿唐五月堆。

○ 雨發裕州

歇馬驅車每夜分。關雞曾未夢中間。雨餘殘月去塵久。露下寒星照客勤。蟲自亂鳴非屬和。鷗於相值偶爲羣。生來澤國安卑濕。連日南行皆水雲。

○ 丙辰 聖節前 東宮出講蓋八月初四日也

恭譔二律

儲幄塵封十四年。人人測海與窺天。嚴慈要使羣情豁。講讀須教盛事傳。意定宮庭宣諭後。禮逢中外祝釐前。竟從攀檻疊臣語。難道皇心不曠然。乙卯五月

上御慈寧劉侍御以奏對失次下詔獄

○ 又

師儒圖史立森森。可但三餘自討尋。溫室晨昏知有寄。廣庭耳目貴常臨。皇家絳帳書生事。父道斑衣赤子心。無數孝慈難出此。前王作法意高深。

○○十五夜同林茂之過俞仲茅步月

每○有○佳○期○共○亦○艱○屢○邀○真○自○見○君○閒○孤○光○多○在○烟○霜○
後○積○氣○如○行○天○水○間○是○夜○於○秋○偏○易○好○何○人○與○月○最○
相○關○殘○砧○步○步○不○知○處○能○帶○寒○聲○隨○我○還○

○九月五日天津舟泊和茂之見岸女簪菊之作
常○時○九○月○上○旬○前○未○必○寒○花○在○酒○邊○插○髮○想○他○開○已○
久○驚○心○羨○爾○見○能○先○數○枝○紅○似○霑○霜○氣○一○路○香○應○照○
水○天○買○置○舟○中○伴○蠻○素○欲○成○三○婦○各○嫵○然○

○○泊頭逢虞伯醇孝廉同康虞茂之過飲常充符

孝廉水樓留贈

偶爾停舟道姓名。遊栖事事若先成。主賓妙在無因合。歌舞初非有意生。月與水烟秋一魄。花添樓樹夜多情。知君別後思今夕。愁見他帆烟外行。

岱遊告成示康虞茂之

岱於五嶽領圖經。雍穆無言具典刑。灝氣自然歸一朴。虛懷隨處見羣靈。衆中耳目尋常過。理外情文咫尺肩。深感同來俱靜慧。能將願力答真形。

贈焦弱侯太史

始見圖書鐘鼎人。後來典則古精神。惟予敢謂尋常事。在爾行將八十身。學禮於周兼杞宋。垂文自魯逮關閩。不須更問蒼生意。要使清時有鳳麟。

○○○宿浦口周茂才池館

江邊事事作山家。復有山齋著水涯。一壑陰晴生草樹。六時喧寂在鶯花。潮尋故步沙頻失。烟疊新痕嶺若加。信宿也知酬對淺。暫將心迹借幽遐。

○○訪陳眉公於舟因共集俞園

相逢各不愧聞聲。一楫舟中見一生。名士去來關耳

目高人語默遠機情。禽魚於我心無隔。筆墨窺君道甚平。自是出山時最少。閒遊未免致將迎。

○九月七日蘇弘家符卿要集靈應觀。節物催人昨夜霜。先來高處待重陽。深秋欲盡偏能好。積水無他但有涼。草樹層層生晚霽。亭臺步步上清光。歸途不定風烟外。初菊殘荷共一香。

○○秋夜集俞伯彭園池

閒園無意作衰天。水氣花陰事事然。霜後芙蓉獨有露。冬前楊柳暫爲烟。魚龍夜惜殘秋去。烏鵲寒驚片

月遷四序棲尋吾欲遍。愛君不獨在林泉。

○ ○ 花山禮銅殿

是僧妙峯造

一路晴陰屢不分。山中風候易紛紜。村過數日無紅葉。江近雙峰似白雲。蛇虎夜深求懺度。鼓鐘人定示聲聞。可憐世外僧經濟。金火須臾歷劫勳。

○ 歲暮喜董崇相大理至白門

舟車多故敢爲期。相見雖遲勝遠思。蓄意欲浮成塞默。作書未寄恐參差。對君又在佳山水。幸我兼當暇歲時。可謂此番非望外。幾人有約尚天涯。

○夜詠彭舉燈下水仙花

紙窓花石自層層。香色團圞共一燈。不欲上天聊在

水。

水經注方丈在海中羣仙不欲升天者處之

只愁經雪乍爲冰。先春似

避寒梅妬。入夜如嫌素月增。道是洛川神未信。火邊波影有誰能。

○臘月十五夜携酒資約茂之過集彭舉齋中

斗酒家中自不無。就君但覺主賓殊。歲過此夜誰能再。月比常時欲更孤。燈火半窓年事在。圖書一室古人俱。出門看共閒行地。盡是明朝車馬途。

○董崇相要過金陵寺登所構遂有亭

同許繼係淋瀝之

金陵面蔣山靈偶爾孤峯值此亭數笏軒楹廉所積一窓林水靜堪停稍離耳目曾經處但覺烟霜亦異形歸路却尋殘照下回看鍾梵在青青

○戊午元日

時萬曆四十有六年也過嘉靖曆一載矣惺生於萬曆二年甲戌感而賦詩

尺寸

今皇教養身叨爲四十五年人地間拜手書

時日官缺違心守俸薪

予時擬部猶支原官俸

一夜雪分花五

六、茲、辰、歲、界、接、冬、春、敬、推、祖、曆、周、當、始、靜、聽、天、
淵、聖、慮、新、

○ 夢、山、中、題、壁、有、石、引、長、松、天、一、笑、之、句、起、而、足、
之、往、索、彭、舉、畫、

空、山、雞、犬、夜、無、驚、靜、者、深、深、獨、往、情、石、引、長、松、天、一、
笑、橋、迴、寒、瀑、月、三、更、雲、林、轉、覺、幽、懷、止、水、雪、能、令、慧、
業、生、說、向、高、人、資、畫、理、比、來、漸、喜、夢、魂、清、

○ 春、暮、看、桃、花、宿、王、氏、山、庄、作、

春、遍、郊、原、恐、易、終、人、情、爭、向、數、朝、紅、曾、經、詠、賞、心、尤、

戀未接香光魂早通。山月一更風雨後。園花半日霽陰中。恐看歸路飛飛處。較昨來時已不同。

○○白門逢范長倩學憲賦贈

浮家汎宅偶逢君。各有清機副所聞。身是今人疑已古。妻能偕隱不妨文。墨花舊灑炎方雨。麤草新霑震澤雲。愛爾山中雖欲到。携來烟水暫相分。

○正月二十四日始見人家瓶中粉紅梅

塢邊梅信反遲遲。珍重瓶中始數枝。爲負紅顏成異種。故超素質得先期。愁同桃李春相見。幸託冰霜晚

自持一服神寒能立俗。豈因微艷損幽姿。

○再登浦口王茂才山樓望石武庫澹寧所造新

城

水上樓居忽有城。重來翻覺類新成。鶯花每次逢長
夏。風日無端屬午晴。山對層楹還自若。江添睥睨倍
多情。亂帆屢向烟邊沒。去遠參差却漸生。

○九日携姪昭夏登雨花臺

節物登高雨未成。閉門聊復愛其名。客邊難見重陽
小。剛傳此日晴。子姪漸親知老至。江山無改覺

清標逸致王
孟流亞

情○生○悲○秋○欲○問○秋○何○處○絲○肉○叢○中○一○雁○聲○

○ ○ 三 月 三 日 再 汎 赤 石 磯 勒 詩 於 石

又○乘○佳○日○汎○餘○清○昨○夜○猶○聞○風○雨○聲○一○水○恰○周○城○內○
外○三○春○半○付○節○陰○晴○舟○經○花○鳥○兼○山○趣○岸○寡○亭○臺○稱○
野○情○珍○重○磯○頭○千○古○石○今○年○上○已○始○題○名○

○ ○ 六 月 十 二 夜 吳 康 虞 要 汎 秦 淮 同 諸 子 分 賦 得

舟字

不○獨○今○宵○可○共○遊○偶○因○清○暇○念○淮○流○殘○陽○漸○去○方○知○
水○美○蔭○非○多○却○在○舟○風○露○半○更○天○盡○月○懷○臺○三○伏○夜○

鍾伯敬全集

卷四

二十七

爲秋一涼以外全無待。朋侶溪山得自由。

○○夜出安德門往牛首道中作

出郭千門半欲關。往遊多用此時還。月離樓榭翻能滿。夜在郊原始覺閒。草際螢光如曉露。葉邊蟲響作秋山。一泓清淺滄然去。昨夕身行烟水間。

○六月十七日汎溪就青海宗侯水榭看蔣山令

弟渤海具舟要往

城中却得蔣山全。始愧從前十數年。不信遠峯平地是。有如登閣出郊然。隔烟柳色先秋事。待雨荷香欲

暮天。取次高情生一朴。兄家園館弟家船。

○七月十二日宋獻孺招集茅止生烏龍潭新居

同潘景升林子

丘茂之譚友夏

別有寒流四序深。清光片片化爲陰。天淵一氣何時已。風日同香不可尋。幽岸秋堪添短筏。斜陽日久待高林。賓朋亭閣俱無故。情事頻生靜者心。

○白門逢周明卿大司農誕辰賦贈

進履今年北斗邊。國稱元老里推賢。人欣私願尊親合。天篤公家理數專。魚菽他鄉三黨會。桑蓬夙昔四

金仙詩集
方緣蒼松莫道風霜肅處處垂陰歲歲然

○ 再過錫山訪尤時純

愧近君家到未能塔燈南郭見層層十年驚換新兒女再別彌知重友朋風味漸親朝慧水夢魂先報夜毘陵時危各作山中計此興從茲豈易乘

○ 夜步長橋

去愛長橋似大隄歸途猶未甚嚴凄月過晦朔方能好日見賓朋以次齊豫惜晴天舟信宿果逢清夜水東西寒城內外所須過一棹光中意反迷

是以山水爲
性命者

○ 訪王聞修年丈

一棹茗烟返自如。松澗數息得幽居。新携登汎情無
已。追味溪山話有餘。別後欲窺人外意。到來先覩案
頭書。問君婚嫁垂終日。可許當予作父初。

○ 過文啓美香草垞

入戶幽芳小徑藏。身疑歸去見沅湘。一廳以後能留
水。四壁之中別有香。木石漸看成舊業。圖書久亦結
奇光。君家本自衡山出。楚澤風烟不可忘。

○ 虎丘訪章眉生看殘雪作

消麗不至失
之淺薄

鍾伯敬全集卷四

二十九

婁門雪未達明朝。到此冷然尚動搖。竹半夕陽隨客上。巖前積氣待人消。餘寒入臘留相護。遠色兼晴坐可邀。想爾昨曾登望處。紛紛親見下層霄。

○ 讀元歎詩不覺有作

詩亡豈遂絕真詩。喜得其人一實之。怒罵笑嬉良有以。興觀羣怨想如斯。禽魚鳴躍叢淵下。草木勾萌雷雨時。巧力非天亦非我。後先機候可能思。

○ 贈丹泉周翁

時年八十二

聞名久不信同時。敢謂今朝真見之。萬石轉尤如未

樂今言夢不
如此之切至

動羣賢落筆卽相知。兒皆白首身無恙。意在青山夢
亦隨。豫惜餘年申後晤。勞勞翻慮我愆期。

○ 還至無錫再晤鄒彥吉先生

歸帆猶帶別時霜。道路無多計日長。遊盡未殘山雪
影。到遲堪待澗梅香。念予寒夜舟何處。對此良朋水
一方。但記去來皆見月。中間陰霽亦相忘。

○ 二月三日重過靈谷看梅

王觀宗招同
方孟旋諸子

常年花事不曾難。今歲重來始得看。風雨半春畱好
日。香光二月出深寒。叨陪索笑遲何憾。共念攀尋滿

欲殘幽賞先教聞見靜。澗邊步步踏松湍。

○ 陳中丞正甫自晉貽書白門極爲相念感答時
將以南少司農蒞任於此

十年遶漸陸沈間。屢見時情國步艱。如某一官何足
道。惟公千里亦相關。圖書頗愧封疆苦。花鳥微霑歲
月閒。重地安危元老在。暫容流寓不須還。

○ 題小東山贈王翁

翁新買此山其
子構亭其上

三十年前解綬還。今朝才有小東山。四時花月寒暄
裏。百里耕桑坐立閒。微祿買山言未易。佳兒扶老命

維艱。所期杖履長無恙。歲得從君一度閒。

○ 題葛澹淵廷評署中巢居

古植覆水卽巢居。流影交加荇藻如。魚鳥不爭人事外。天淵無禁吏情初。閒看早燕來稱賀。拙引春鳩與共廬。俯聽穀音何所寄。釣磯仍借一枝餘。

○ 喜湯嘉賓司成至白門晤宿燕磯舟中

同潘景升

默然對揖已無窮。何似音書日日通。十載形魂片屨定。一舟情事不堪終。別經覆雨驚濤後。見在清風朗月中。幾欲過從托心口。君來予往亦相同。

不獲久任光
澤如在

○白門病中送尹子求先生解蘇松兵備任歸里
舊帆又泊石城津。出處殊途隔歲身。師友剛離逢病
日。邦家多故羨歸人。自來薄俗生文物。難以孤情久
世塵。一簣未成聽君去。東南後慮不遑論。

○章章甫自中州至白門過訪行及一月聞有言
予死者

意外崎嶇命駕身。幾爲白馬素車人。雪霜路不盈千
里。生死情先亂一旬。尊酒由今思往日。篋詩自臘到
新春。重逢豈必論他故。一別如茲已愴神。

原曲幽香與
梅爭韻

○二月初五日重看靈谷梅花

依然松外澗邊梅。十日之中兩度來。晴雨莊嚴孤格
韻。冰霜呵護萬條枚。容予無事頻頻看。恣爾多情緩
緩開。猶恐幽香尋未遍。翻因迷路得沿洄。

○冬夜集吳體中中丞西園觀劇

同魏士爲
潘景升

歲寒園古自蕭森。隨意烟霜水木深。城裏慣看山四
面。冬來初見月千林。佳人文士皆幽侶。歌板禪燈各
道心。六載自門將去客。後庭密賞却從今。

○蕪湖立春

辛酉十二月
二十五日

鍾伯敬全集

卷四

三十三

七日途中序暗移。故鄉風物已孜孜。園梅太早難相
待。堤柳雖疎不肯垂。除歲春生微雨夜。客舟家共一
燈時。入閩歸楚明年事。此際茫然不敢思。

○陸君啓衙齋望廬山晴雪

山下齋頭遠漸平。春光明滅遞相生。千峯別作空中
色。萬象俱爭雪後晴。散比輕烟微有著。懸如亂瀑但
無聲。匡君自捧全身出。免却衝寒頂上行。

○訪曹能始潯陽所住却寄

興來興止去畱身。買宅潯陽却反閩。亭館偶然來好

友。江山終日待高人。近營謝墅鶯花穩。久識匡廬面目真。未必君平今可得。賞文析義不無因。

○李守初司李招飲赤壁賦贈

幾番還往未曾闕。乘暇登樓當入舟。我愛是時偏值夜。君言此水更宜秋。苦邀翰墨存名蹟。常恐琴尊失勝流。歲序書來成妙合。却逢壬戌又同遊。

○賀可上居士曾爲予說楞嚴大義癸亥從予闕署重爲披剝予出按部歸遽爾言別感賦一

詩

承事淵人屢未明。多慙夙昔善根輕。密因每向臨時吐。大悔方從別後生。共坐夏秋無半月。相從閩楚幾千程。他時儻接如來水。恰是今朝報子情。

○ 裴村望武夷山作

壬戌四月入閩

始信溪山事亦艱。入閩遙揖此溪山。森森已自成簪導。歷歷非惟列髻鬟。衆壑同時分早暮。一峯隨處見靈頑。天工人巧無從說。元氣淋漓斧鑿間。

○ 訪曹能始園居

選勝高低有所因。入門魚鳥始相親。扁舟轉見山多

面一水圍周閣數巡。幽感亭橋先入夢。天人宮館本
隨身。浣溪夔府俱畱宅。遊止蕭然意屢新。君有宅在廬山

○商孟和送予還楚憇茶洋驛澗亭有作奉和
勞勞暫止意無加。忽值山亭小澗斜。屋裏聞聲驚夜
壑。牆頭飛片覓春花。爲官興盡仍求友。送客情深欲
到家。歸路漸看酬對少。身心隨處入幽遐。

○別武夷山

九曲將終奈若何。豈應歷遍意無它。花爭麗日誰能
後。鶯惜新聲不肯多。因想未忘知在夢。居遊難卜且

畱歌買田築室良非易珍重機緣一度過

飛來峯

有引

飛來峯者峯飛來界處靈隱天竺間者也。內靈外朴變幻千端橫闊豎高據蟠兩寺去乘願力如隨一錫飛來住值機緣曾喚雙猿使出有石皆佛莊嚴數過恒沙無洞不僧梵誦聲流燈鉢心起怖驚詩存悲仰

何處中宵失此峯風雷相送鬼神從隨方所止原無擇有地誰除恰可容千佛身生巖面面一燈影出洞

重重誦餘耳。往聲來際。同食難分兩寺鐘。

○ 王岵雲大司馬六十

國步多艱敢引年。功高勞苦暫歸田。三韓表餌臣心竭。百畝桑麻帝寵專。屈指春秋纔六十。藏胷組練尚三千。應知雪耻分憂意。已在宵辰拊髀先。

○ 閩歸屢過寒河始有此贈

十月十五夜作

每經信宿意難設。盡室何修住此園。月出初冬知夜好。風來半樹覺秋存。影移徑竹如他處。響落溪烟只一村。予始得歸君欲去。孤燈珍重水邊言。

時友夏將入京

又

漸入新居似宿成。到家未久幾經行。冬留殘霽添山色。月帶初寒照水聲。橋徑尋常開別想。亭臺隱畧換佳名。誅茅向欲分餘地。我住君來異日情。予欲構軒園中來卽

之居

○ 三月三日

是日欲雨

上巳年年士女情。怪予懶出水邊行。鶯花所在原無主。風雨相遮尚有名。不爾良辰何草草。因之靜理亦生生。小樓臨眺依稀處。江影山光未隔城。

○ 癸亥自閩歸過白門訪夏正甫年丈不值今將
遣候適聞其調銓部報故有末二句

歸舟無故泊金陵。欲與君言竟未能。往事自堪留古
道。微官何足累良朋。交難絕處情爲贅。名漸消時福
或增。孤直請從知己始。彈冠久恥說同升。

○ 遣使吳門候徐元歎云以買芥茶行

猶得年年一度行。嗣音幸借采茶名。雨前揣我誠何
意。天末知君亦此情。惠水開時占損益。洞山來處辨
陰晴。獨憐僧院曾親焙。竹月依稀去歲情。

元歎有虎丘竹亭僧

院焙茶
見寄詩

○寄懷范長倩念去年過訪不值

歸途曾寄到門前。君去黃山或偶然。張廌似先逃人
竹。子猷原不欲回船。鶯花獨對仍三月。雞黍相逋又
一年。何日好懷重補却。吳天楚水亦隨緣。

○同游肩生年丈陪丘毛伯年丈宴集王孫園共

得遲字

二君俱
官侍御

意外章江邂逅時。風吹語斷各安之。別來覲面良非
易。見後掀髯敢道遲。驄步不殊何所避。鴈行曾附又

殊不似先生
語氣

相隨。可知字字生寒色。一日清霜借莫辭。

○病中聞顧醒石年丈解督學任南歸驚起賦別

時秋

訣

偶憶尊鱸去不謀。茫然無暇問其由。憐予未起三秋
卧。幸爾猶傳數日留。女欲結褵慈母別。師將徹帳後
賢憂。他時節鉞重來楚。門下公卿正黑頭。

○王以明居士訪予江夏送之南遊

客裏朋來病起初。足音遙聽宿痾除。長途亟亟相思
友。暮景惓惓未刻書。哀我多聞生有漏。乞君一語度

無餘入山期定歸宜早。好共維摩丈室居。

○聞友夏下第喜其五弟正則薦鄉書

看君諸事稱心多。歷試其如一第何。囊壁身藏疑化石。園荆手植轉成柯。兄兼父教收全績。母見兒歸豁積疴。門內乘除堪悟取。讀書學道更無它。

○過王幼補感賦

老來相對似殘冬。親串雖存漸下春。喪子君猶餘碩果。爲官子已見龍鍾。鹿柴無恙經年別。雞黍依然舊日供。但得長留衰病在。莫辭卹市互過從。

○賀可上自南都過訪爲予疏性相大義賦詩志

感

寒江歲晚踏蕭森。不是懷人命駕心。半月殘燈晨夜少。一年遠札鴈魚深。肯將口耳虛高義。自辦肝腸領妙音。此別敢忘霜雪裏。束書載筆特相尋。

○友夏歸同賀可上及五弟快訪之

親健家安又故園。依依帆影戀家村。甘遲上國三年薦。喜共寒河一夕言。遠友來逢書劍返。小童迎報菊松存。時情遊倦初看斷。明眼閒心好閉門。

○除夜同胡元振王子雲李宗文守歲江夏客寓
積幾宵晨過五旬。爲官爲客半生身。隔年暖氣迎新
歲。連日晴光作好春。燈燭無多今夕語。主賓全是異
鄉人。尋常悲樂言朋友。此際相依始覺親。

○早春寄書徐元歎買芥茶

含情茶盡問吳船。書反江南又隔年。遙想色香今一
始。俄驚薪火已三遷。歲一買茶
今三度收藏幸許畱春後。遵
養應須過雨前。何處驗君親采焙。封題猶寄竹中烟。